



UNIVERSITÄTS-  
BIBLIOTHEK  
PADERBORN

## **Ordinis || Praemon-||stratensis || Chronicon**

**Le Mire, Aubert**

**Coloniae Agrippinae, 1613**

Cvivsmodi Responſionem Tartarorvm Imperator conditionibus à Rege  
oblatis dederit. Capvt IV.

---

[urn:nbn:de:hbz:466:1-64313](https://nbn-resolving.org/urn:nbn:de:hbz:466:1-64313)

6. Postulauit singulare priuilegium sibi dari, vt si quando, siue à remotioribus seu Armeniæ propioribus Tartaris, subsidium quæreret, sine omni contradictione & longiori dilatione, sese obedientiæ Sacramento obsecundaturos obstringerent.

7. Vt omnia iura ad Armeniam pertinentia, quæ siue ea Saraceni obtinuere, & postmodum in Tartarorum venere potestatem, ad Armeniæ Imperium reuertetur. Præter hoc etiam, si quid Rex proprijs viribus è Saracenorum manibus suis adijceret terminis, illud suo iuri pacifice postmodum cederet.

CVIUSMODI RESPON-  
SIONEM TARTARORVM  
Imperator conditionibus à  
Rege oblatis de-  
derit.

CAPVT IV.

**H**As itaque petitiones Regis Haytonis vbi Mango Cham cognouerat, præcipuos suorum à consilijs conuocari iussit, illisque præsentibus ad Regis Ar-



menia postulata sic respondit. Quando quidem Rex Armeniae est tam remotis partibus non coactus, sed voluntarie nostrae domini fines adiit, decet Imperatoriam Maiestatem, in omnibus petitioni suae locum dare. Quare tibi Regi Armeniae, nos tuas petitiones, Deo adiuuante, adimplere recipimus. Et in primis quod ad me attinet, nos, qui ad summam Tartarorum potestatem euecti sumus, sacro baptismatis fonte ablui desideramus, eaque fidem, quam per vniuersum hodie Christiani orbem profitentur, amplectamur. insuper & eam omnibus nostrae ditioni subiectis, sicut & nos per sufficientem eiusdem institutionem, tenere, obseruare, & profiteri mandabimus. Quod deinde petis, vt perpetua inter Christianos & Tartaros concordia cum pace stabili constituat, nos facturos tibi recipimus; ea tamen conditione, vt tu in primis eiusmodi pacem & concordiam fouere, sicuti nos, nobis polliceare. Nil etiam magis in votis habemus, quam vt eedes Christianorum, diuino cultui mancipatae, vna cum Clericatu, in quibuscunque bellorum tumultibus sibi concessis priuilegijs immunes fruantur, & hoc in omnibus nostrae imperij terminis.



Ad Terram sanctam quod attinet, placeret, si possibile foret, in eam pro honore Saluatoris nostri Iesu Christi proficisci: sed quoniam alijs inuolui mur impedimētis, id totum fratri nostro Haolono quanta poterit diligentia perficere remque ad exitum fœlicem perducere, commendabimus, qui dubio procul, Hyerolosymas, cū tota terra sancta, è manib. infideliū rapiet Christiano populo vēdicatur. Quod de Calypha Baldacunēsi propositū fuerat, Capitaneo Bayboni, qui regno Turquiæ præest, cū omnib. qui circumiacentes regiones incolūt, iniūgem<sup>o</sup>, vt oēs dicto fratri nostri sint audientes. Quare volumus, vt Calypha velut hostis capitalis & inimicissimus Ecclesiæ Dei, penitus è medio tollatur. Priuilegia, quæ super hoc præcipuè desideras, vt videlicet Tartari Christianis in auxilio ferendo sint obligati, ratum haberi volumus, idq; pro placito vestro statuatur, quod nos libenter cōfirmabimus. Tandē rogatū fuerat, vt regiones illas, quæ vobis superiorib. temporib. per Saracenos & eis vicissim per Tartaros ablatae fuerunt, restitueremus, libenter annuimus. Quare id vnicè cupimus, vt tibi cunctæ regiones sine cunctatione per fratrem nostrum Haolonum recuperentur.

Demum



Demum placet nobis omnes munitiones, quas in plano sitas nobis subiecimus ex singulari gratia donare, vt regni tui tuitioni deseruiant.

**QVOMODO MANGO  
CHAM TARTARORVM**  
Imperator baptismum suscepit, vtque simul Rex Hayto cum fratre suo Haolono ab Imperatore veniam abeundi consecuti sint.

*CAPVT V.*

**I**Taque cum Mango Cham petitionem Regis Armeniae explere vellet, eam mox priuilegijs, quae ei collata sunt, confirmauit. Ille vero nulla interposita mora sacramento baptismatis initiari voluit quod etiam factum est. Mox etenim a quodam Episcopo, regni Armeniae Cancellario, vnda regenerationis cum vniuersa aula sua ablutus est. Neque solus Imperator Tartarorum, sed & complures alij vtriusque sexus homines tam procerum quam equitum famuli baptizati sunt, ex quibus plures, vt vna cum Haolono Imperatoris fratre ad terram sanctam expu-  
gnan-